

Pippi Guhkessuohkku lea nieida gii ássá okto. Sus lea heasta ja son lea máilmmi gievrramus nieida. Su ránnját leaba Tommy ja Annika, ja sii deaivvadit dávjá stoahkat ovttas.

Go Pippi álggii skuvlii

-Don it oppa jáhke ge man somá lea skuvllas, -ja man šiega oahpaheaddji lea, dajai- ga Tommy ja Annika muhtin maŋŋágaskabeaivve go leigga Pippi guosis, dieđusge maŋŋá go leigga leavssuiguin gorgan. –Mus livčče hui ahkit jos in beasašii skuvlii, dajai Annika. Pippi čohkkái renkkos ja basai iežas julggiidis lihtis. Son ii jienádan maidege, dušše lihkahattai juolgesuorpmaid nu ahte olles láhtti lei visot njuoskan.

-Ii doppe dárbbáš leat nu guhkká, dušše guovtte áigái, -na ja de lea juovlaluopmu, beassášluopmu ja geasseluopmu, dajai Annika. Pippi smiehtadalai muhto ii vástidan maidege. Fáhkka son gomihii čáhcelihti miehtá láhtti. Son lei suhttan. –Dien mun in gal dohkket, dajai Pippi. –Maid?, jearai Tommy. –Njeallje mánu geahčen lea juovlaluopmu, ja doai oazžubeahti juovlaluomu. –Muhto mun, maid mun oaččun? – In oačču juovlaluomu. Pippis lei váivi, -in juovlaluomu ge.

-Ii dás ferte juoidá dahkkot. –Ihttin álggán skuvlii, dajai Pippi. Tommy ja Annika speaččuiga giedaid ja illudeigga. –Man buorre, moai vurde du verrát luhte, ihttin, dii: 08:00. Ii-hii, nu árrat mun in gal sáhte álgit, ja mun jáhkán mun áiggun riidet skuvlii.



Nu son dagai. Juste dii: 10:00 son loktestii heastta vulos boardagis. Veaháš maŋnelaš olbmot guovlagohte glásaid ráigge olggos, go gádde ahte muhtin ealli lei luovus beassan ja álgán njuikut ja ruohttat. Muhto nu dat ii lean gal diedusge. Dat lei dušše Pippi geas lei veaháš hoahppu. Njolggi son joavddai skuvlii, njuikii heasttas eret ja čanai dan muhtin soahkáii.



Son rábádii klássalanjauvssa rabas, nu ahte Tommy ja Annika ja buot sudno skuvlaskihpárat hirpmástuvve.

-Hei, čurvii Pippi, boadán go rivttes áigái? Tommy ja Annika leigga muitalan oahpaheaddjái ahte muhtin ođđa oahppi lei álgimin skuvlii, ja ahte su namma lei Pippi. Oahpaheaddji lei gullan Pippi birra, ja son lei mearridan ahte son áiggui dahkat Pippi skuvlladili somáin. Pippi čohkkedii muhtin guorus beavdáii, váikke ii oktage lean dáhttun su čohkkedit. Oahpaheaddji gal das ii beroštan. –Bures boahdin skuvlii, Pippiš, dajai son. –Mun sávan ahte don loavttát bures ja ahte don oahpat ollu. –Jo, ja mun sávan ahte mun oaččun juovlaluomu, dajai Pippi. –Danne lean mun deike boahdán.

-Dál fertet mitalit namat, vai mun beasan čálihit du sisa skuvlii, dajai oahpaheaddji. –Mu namma lea Pippilotta Viktualia Rullgardina Krusemynte Efraimnieida, Guhkessuohkku. –Efraim lea mu áhči namma. Ovdal lei son ábiid balddonas, muhto dál son lea dušše gonagas. Pippi lea beare mu gohčodannamma. Áhči mielas lei Pippilotta menddo guhkes ja váttis namma dadjat. – Jo, dalle mii gohčodat du Pippin, dajai oahpaheaddji. Dál mii várra beassat gullat maid don máhtát? Don leat nu stuorra nieida ahte don gal várra máhtát ollu. Jos mii mat

álgit rehkegin. –Na Pippi, sáhtát go mitalit man ollu lea 2 pluss 3? Pippi geahčai skealbma čalmmiiguin oahpaheaddjái: –Na, jos dan it dieđe ieš, de ále gátte ahte mun goit dan dutnje mitalan.

Buohkat gehčče suorganemiin Pippii, ja oahpaheaddji dajai ahte nie ii leat heivvolaš vástidit skuvllas. 2 pluss 3 lea 5, dajai oahpaheaddji. –Geah, don han máhttet ieš vástidit riehta, huikkádii Pippi. Oahpaheaddji ii beroštan, ja jearai. –Na Pippi, ollu jáhkát 1 pluss 4 lea? –Na dat lea várra sullii 67, vástidii Pippi. –Ii leat, dajai oahpaheaddji. 1 pluss 4 lea 5. Ii-hii, dál gal dájut, ieš han don aitto mitalit ahte 2 pluss 3 lea 5. Ammal jo veaháš ortnet lea dán skuvllas.

–Go jo du mielas lea nu somá hállat dieid duššiid birra, manne dalle it čohket muhtin čihkii rehkenastit ja divtte min earáid stoahkat. Oahpaheaddji ii beroštan, ja álggii earáid jearahallat. –Sáhtát go don Tommy mitalit munnje man galle eahppela leat Liissás ja Ovlás oktiibuot go Liissás leat 7 ja Ovlás 5 eahppela? –Na beare vástit Tommy. –Fertet vel mitalit munnje gii šaddá sivalažžan jos Liissá oažžu čoavjebákkasa, ja gos soai leaba eahppeliid suoládan, dajai Pippi.

Oahpaheaddji i beroštan, ja jearai Annikas ges: –Jovvna leamaš skuvlamát-kkis. Sus lei 10 ruvnnu go manai ja 7 ruvnnu go bođii ruoktut. –Man galle ruvnnu lei Jovvna geavahan? –Na, muhto mun háliidan diehtit manne son lei ruđa geavahan duššás? Lei go bruvssa oastán? –Ja, lei go muitán beljiid bures bassat ovdal go vulggii? Jearai Pippi.

De gal oahpaheaddji heaittihii rehkenastima dán diibmui goitge.

